

مجله علمی و ادبی

مطبعه و محل اداره :

جغیال اوغلنده امنیت
صندوغی جوارنده
شنگول یقوشنده
۲۷ نوسرو

مسلكجه موافق آثار
جدیده مع الممنونه
قبول اولنور

درج ایدلهین آثار اعاده اولنور

دیر ، فلسفه ، علوم ، حقوق ، ادبیات تاریخ ، سیاست ، احوال و شئونه اسلامیه و بحث ایدر و هفته ده بر نشر اولنور .

صاحب و مؤسسلری :

در سعادتده نسخہ سی ۵۰ یارہ در

ابوالعلا زین العابدین - ح . اشرف ادیب
تاریخ تاسیسی

قیرله دن مقوا بورو ایله کوندریلیرسه سنوی
۲۰ غروش فضله آلنبر

۱۰ تموز ۳۲۴

آبونه بدلی

سنه لکی	التی آیلانی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

یدنجی جلد

۲۵ ذی القعدة ۱۳۲۹ پنجشنبه ۳ تشرین ثانی ۱۳۲۷

عدد : ۱۶۷

ونه ایچون ایتیمورلر؟ «کرید» ده بزم حقوق حکمرانیمیزی محافظه ایده جککردی، نه ایچون ایتدیلر؟ بونلری ملاحظه ایتیمورده کوری کورینه سفیرلرافته اعتماد ایده جکمهزه، برکزه اولسون اللهه اعتماد ایدهلم.

آرتق یتر، سفیرلره چوق اعتماد ایتدک. سفیرلر بزه بک چوق وعدلرده بولندیلر فقط، ظن ایدهرم، شو صوک یوز سنه ظرفده برکزه اولسون بزم منفعتیمیزی تأمین ایتدیلر.

شو حالده بن قویاً امید ایدهرم، ملت آرتق بو اسکی فکرلری وقت آخره ترک ایدرک، بو دفعه یکی بر سیاست تجربه ایتهلی. بز بر آزده کنسیمیزی طوبیایه رق کنیدی فکرمنز و کنیدی عقلمیزی استعمال ایدرسهک آفریقا جوللریک غضنفر اولادلری بزه ظهیر اولدقدن ماعدا بیتون عالم اسلام دخی بزم ایله اولور،

هیچ شبهه یوقدرکه جناب واجب الوجودک نصرتی و حضرت پیغمبرک امدادی بزم ایله برابر اولدقجه، بز قایقار و زنبوقلر ایله ایتالیا زرهلیرینه هجوم ایدرز. نصلکه ایتدیلر و ایده جککدر. زرهلی نه در، اون بیسک آدم هجوم ایدرده هر زرهلی به بشر آدم آتلایه بیلورسه کافیدر. اوت اصحاب فنون بو سوزلره قهقههلر ایله کوله جککدر. لکن شونی ده اونو تمایهلم که بوسورتله هجوم ایده جککرا اصحاب فنون دککدر، طوب آغزینه تفک ایله یورویهرک ایتالیا نلری فراره قدر مجبور ایدن قوت فن قوتی دککدر.

مسلمانلرک الک بیوک قوتلری ایمان و اعتقادلریدر؛ دیپلوماتلرمنز بک چوق خطالرینی یوکلمدک، برکزه اولسون اصحاب عمام سوزینی دخی سمع اعتباره آلهلم.

هیچ شبهه یوقدرکه بن بو سوزلری کامل پاشا حضرتلرینه اعتراض مقامنده سویلا میورم. بلکه مشارالیه حضرتلریک فکر عالیرینی تصویب ایله برابر، بنده عاجزانه بر فکر بیان ایدیورم.

مصر عبدالرشید ابراهیم

دولت عثمانیه - ایتالیا محاربه سی

و

عالم اسلام

عسا کر عثمانیه دک مظفریتلری حوادثی قاهره به عکس ایدر ایتیز، غزته موزعلریله ساثرهالی تراموایه بینهرک یوللرده (یشاسون خلیفه، یشاسون عثمانیلر، کبرسون ایتالیا) دییه باغیرشمغه باشلامشیر، آبارتمانلرده اقامت ایتدکده اولان ایتالیا نلر باغیرانلرک اوزرینه سلاح آتمق جرائنده بولنمشلردر. «المقطم»

§ مصر داخلیه نظارتی طرفندن بر بیاننامه نشر اولنهرق مطبوعات مصریه تک عثمانلی - ایتالیا محاربه سنه دائر هیجان آمیز بیانات و عبارات نشر ایتلمی منع ایدلشد.

§ آلمان خبرلره کوره مصر حکومتی لورد کیچنرکده انضمام رأی ایله سکیز صحیفه لک یوز بیک نسخه رساله طبعنه و جامعلرده توزیعنه قرار ویرمشدر. عربجه اولان بورساله ده عثمانلی - ایتالیا

محاربه سنک مصرده حصوله کتیردیکی حال و موقعدن بحث ایدلمکده ویرلیرک اتخاذ ایلیه جکی مسلتک تذکار اولنمقده در. بیاننامه محاربه تک عادی بر محاربه اووب جهاد مقدس طرزنده بولندیغی اوزون اوزادی به بیان ایلیمکده در.

§ بنغازیدن وارد اولان خبرلره کوره عربان فوج فوج کلهرک اردویه التحاق ایتدکده درلر. نشر ایدیلان بر بیاننامه ایله عمومی جهاد اعلان ایدلشد.

§ اقدامک طرابلس غرب مخبر مخصوصی تونسدن یازیور: تونس قطعه سنده کی عموم اسلامار؛ خلیفه مؤمنینه بر رابطه قویه معنویه ایله مربوط اولوب حکومت عثمانیه تک دائماً ترقی و تعالیسنی کمال خواهشله آرزو و تمنی ایدرلر. شو حربده موفق اولماقمز ایچون بر چوق معاونت و فدا کارلرده بولنق صورتیه حسیات خیر خواهانه لرینی فعلاکده اثبات ایتدکده درلر.

بوراده نشر اولان عموم عربجه غزته لر حکومت عثمانیه لهنده و ایتالیا علیهنده درلر. بو غزته لر؛ فرانسه تک ترکیایه معاونتده بولنسی و لازم کلن تسهیلاتی ایفا ایتسنی تمنی ایدیورلر.

هرکون جامعلرده ترکیانک موفقیتی ایچون دعالر ایتدکده درلر. ترکیانک موفقیتی حقنده این بر حوادث کلیدیکی وقت اهالی مسلمه یکدیگری تبریک ایتک صورتیه اظهار شادمانی ایلیمکده درلر. هله مملکتلرنده بر ترک کوردکاری زمان کوزلرنده لمعه پاش اولان سرور و افتخارک تعریف و تصویر آتبحق ادبی بر قلم ایله افاده ایدیله بیلیر.

نفس تونسده اثنای حربده ترکیایه معاونت ایتک اوزره بر جمعیت تشکیل ایدلدی. بوجمیت بر چوق زنکیینلره برابر معلوماقی بک چوق کنج داخل بولنیور. بوجمیتک مروج افکاری اوله رق (اتحاد اسلام) نامنده عربجه بر غزته نشر ایدیلور.

بوجمیت مصر لیرلر کی درج اعانه ایله برابر بعض خدمات فعلیه ده بولنیور.

§ لوندرد - قابتووندن رویتر تلغراف آژانسنه اشعارارلنیور: «ترانسوال مسلمانلری عثمانلی - ایتالیا محاربه سنده قهرمانانه مجاهده ایدن دینداشلری ایچون ۶۰۰ انگلیز لیرای اعانه جمع ایدرک باب عالی به ارسال ایتمشلردر.»

..

ناآل مسلمانلریک احتیاساتی

انگلتره تک افریقای جنوبی مستملکاتندن (ناآل) قطعه جسیمه سنک مرکزی اولان (دوربان) شهری انجمن اسلامی کچن کون بر اجتماع فوق العاده عقدیه ایتالیا حیدودلریک طرابلس غربه وقوع بولان تجاوز شقاوتکارانه لری شدتله پروتستو ایدلش و خطبای محلیه دن بر ذات محترم بوجه آتی افادات مهمه ده بولنمشدر:

«محترم قره دشرلم! بو کون سزه شو منبر خطابتدن بر قاج